



Republika e Kosovës / Republika Kosova / Republic of Kosova
Komuna e Podujevës / Opština Podujevo / Municipality of Podujeva

KUVENDI I KOMUNËS

Në bazë të neneve 11, 12.2 shkronja d), nenit 17 shkronjat a) dhe s) të Ligjit për vetëqeverisje lokale nr.03/L-040, nenit 154.2 të Ligjit për procedurën e përgjithshme administrative nr.05/L-031, neneve 14, 15 paragrafi 2.4 dhe nenit 19 paragrafët 1.1; 1.19 të Statutit të Komunës së Podujevës nr.prot.01-020/01-0050862/21 të datës 29 qershor 2018, Kuvendi i Komunës së Podujevës në mbledhjen e mbajtur më 29 prill 2022, mori këtë;

V E N D I M

Neni 1

Me këtë vendim pezullohet përkohësisht zbatimi i dispozitave: *neni 5 paragrafët 1.3; 2.3; dhe 4.4, neni 6 paragrafi 4, neni 7 paragrafi 2, neni 9 paragrafi 1.3, neni 12 paragrafi 2, neni 15 paragrafi 2.4; neni 16 paragrafi 2.3 dhe neni 17 paragrafi 2*, të Rregullores nr.prot.01-311/05-0007450/20 për orarin e punës së bizneseve që operojnë në territorin e Komunës së Podujevës të datës 31 janar 2020.

Neni 2

Kohëzgjatja e pezullimit sipas nenit 1 të këtij vendimi, respektivisht lejimi që dita e diel të jetë ditë pune për subjektet afariste/bizneset, bëhet nga hyrja në fuqi e këtij vendimi deri më 30 shtator 2022.

Neni 3

Arsyeja e pezullimit të neneve të cekura, përkatësisht lejimi i punës edhe ditëve të diela për subjektet afariste/bizneset që operojnë në territorin e Komunës së Podujevës, është ofrimi i mundësive për afarizëm dhe qarkullim të bizneseve, furnizim dhe shërbime të rregullta për qytetarët në këtë periudhë verore kur pritet edhe ardhja e një numri të madh të bashkatdhetarëve për pushime në Kosovë.

Neni 4

Për zbatimin e këtij vendimi kujdeset Kryetari i Komunës dhe Drejtoritë e Komunës varësisht fushveprimtarisë dhe kompetencave përkatëse.

Neni 5

Vendimi hynë në fuqi 7 ditë pas publikimit në ueb faqe zyrtare të Komunës së Podujevës.

Nr.prot. 01-016/01-0030723/22
Podujevë, datë, 29 prill 2022



Kryesuesi i Kuvendit
Hilmi Hoxha



Republika e Kosovës / Republika Kosova / Republic of Kosova
Komuna e Podujevës / Opština Podujevo / Municipality of Podujeva



KUVENDI I KOMUNËS

RREGULLORE PËR ORARIN E PUNËS PËR BIZNESET QË OPEROJNË NË TERRITORIN E KOMUNËS SË PODUJEVËS

Podujevë, janar 2020

Në bazë të neneve 11, 12.1 dhe 12.2 shkronja c) të Ligjit për vetëqeverisjen lokale, nr.03/L-040, nenin 40 të Ligjit nr.2004/18 për tregtinë e brendshme, Ligjin nr.04/L-005 për plotësimin dhe ndryshimin e Ligjit nr.2004/18 për tregtinë brendshme, nenet 14, 15 paragrafët 1 dhe 2.3, të Statutit të Komunës së Podujevës nr.prot.01-020/01-0050862/18, Kuvendi i Komunës së Podujevës, në mbledhjen e mbajtur më 31 janar 2020, miratoi,

RREGULLORE PËR ORARIN E PUNËS PËR BIZNESET QË OPEROJNË NË TERRITORIN E KOMUNËS SË PODUJEVËS

I. DISPOZITAT E PËRGJITHSHME

Qëllimi

Neni 1

Me këtë Rregullore përcaktohet fillimi dhe mbarimi i orarit të punës për Bizneset që operojnë në territorin e Komunës së Podujevës.

Neni 2

Biznesit, në pajtim me nenin 1 të kësaj Rregulloreje, janë të obliguara t'i përmbahen orarit të punës të përcaktuar me këtë Rregullore.

Neni 3

1. Orari i punës nënkupton periudhën kohore fillimin dhe mbarimin e punës.
2. Orari për fillimin dhe mbarimin e punës, i përcaktuar me këtë Rregullore, duhet të vendoset në hyrje apo në vend të dukshëm të objektit në të cilin kryhet veprimtaria e biznesit. Në orar të punës duhet cekur ditët kur nuk punohet.

II. Orari i punës

Neni 4

1. Orari i punës përcaktohet në bazë të llogaritjes verore dhe dimërore, në intervale kohore:

- 1.1. Periudha verore fillon më 1 prill dhe mbaron më 31 tetor të vitit;
- 1.2. Periudha dimërore fillon më 1 nëntor dhe mbaron më 31 mars të vitit

Neni 5

1. Fillimi dhe mbarimi i orarit të punës për floktarët, rrojtoret, sallonet e zbukurimit për meshkuj:

- 1.1. Periudha verore, prej orës 08:00 - 20.00
- 1.2. Periudha dimërore, prej orës 08:00 – 19.00
- 1.3. Ditën e diel dhe festave zyrtare nuk punohet.

Përrjashtim bënë nëse e diela apo festa zyrtare bie në natën e Vitit të Ri apo në natën e Bajramit.

2. Dyqanet e qepjes, këpuclarët, artarët, orëndreqësit dhe veprimtarit e përalfërta dyqanet punojnë:

- 2.1. Periudha verore, prej orës 08:00 – 20:00;
- 2.2. Periudha dimërore prej orës 08:00 - 19:00.
- 2.3. Ditën e diel dhe festave zyrtare nuk punohet. Përrjashtim bënë nëse e diela apo festa zyrtare bie në natën e Vitit të Ri apo në natën e Bajramit.

3. Sallonet e zbukurimit për femra:

- 3.1. Periudha verore prej orës 07:00 – 20:00;
- 3.2. Periudha dimërore prej orës 08:00 - 19:00;
- 3.3. Ditën e martë dhe gjatë festave zyrtare nuk punohet. Përrjashtim bënë periudha kohore nga 01.06 deri më 31.08(mund të punohet nga ora 05:00-20:00;) si dhe nëse dita e martë apo festa zyrtare bie natën e Vitit të Ri apo natën e Bajramit.

4. Auto serviset, serviset e mjeteve tjera dhe zejete tjera të ngjashme:

- 4.1. Periudha verore, prej orës 08:00 – 20:00;
- 4.2. Periudha dimërore prej orës 08:00 – 19:00;
- 4.3. Në raste specifike mund të punohet më gjatë me kusht që lokali duhet të jetë i mbyllur.
- 4.4. Ditën e diel dhe festave zyrtare nuk punohet. Përrjashtim bënë nëse e diela apo festa zyrtare bie në natën e Vitit të Ri apo në natën e Bajramit.

5. Auto-larjet, larja e orendive shtëpiake, larja e lokaleve dhe zyreve dhe veprimtaritë e tjera të përalfërta:

- 5.1. Periudha verore, prej orës 08:00- 20:00;
- 5.2. Periudha dimërore, prej orës 08:00 – 19:00;
- 5.3. Nuk punohet gjatë festave zyrtare.

Neni 6

1. Orari i punës në Qendrat tregtare, supermarketete dhe dyqane ushqimore, do të jetë:

- 1.1. Periudha verore, prej orës 07:00 – 22:00;
- 1.2. Periudha dimërore, prej orës 07:00 – 22:00.

2. Orari i punës në dyqanet tregtare të tekstilit, dyqanet e këpucëve, dyqanet e pajisjeve teknike shtëpiake "teknikës së bardhë", bizhuterive dhe veprimtarive të tjera jo ushqimore me pakicë, do të jetë:

- 2.1. Periudha verore, prej orës 07:00 – 22:00;
 - 2.2. Periudha dimërore, prej orës 07:00 – 22:00.
3. Dyqanet tregtare të pajisjeve sanitare, të rrymës, pemëve dhe perimeve me pakicë, barnatoret bujqësore
- 3.1 Periudha verore, prej orës 07:00-22:00
 - 3.2 Periudha dimërore, prej orës 08:00-22:00
4. Bizneset tregtare nuk punojnë të dielën dhe ditët e festave.
5. Përjashtim nga pika 4 e këtij neni bënë vetëm nëse nata e Bajramit apo nata e Vitit të Ri bie ditën e dielë apo në festë zyrtare.
6. Bizneset e lartçekura gjatë ditëve të punës mund të punojnë me orar më të shkurtuar nëse biznesi e vlerëson të arsyeshme dhe në interes të tij.

Neni 7

1. Orari i punës në depot e artikujve ushqimorë, depot e materialit ndërtimor dhe në ndërmarrjet që merren me prodhimin e betonit, do të jetë:
 - 1.1. Periudha verore, prej orës 08:00 - 19:00;
 - 1.2. Periudha dimërore, prej orës 08:00 – 18.00
2. Ditën e fundjavës (të dielën) dhe gjatë ditëve të festave, depot nuk punojnë.
3. Orari i punës në bizneset ndërtimore (ndërtimi i ulët dhe i lartë), do të jetë:
 - 3.1. Periudha verore, prej orës 07:00 - 18:00.
 - 3.2. Periudha dimërore, prej orës 08:00 - 17:00.
4. Bizneset ndërtimore, në raste të jashtëzakonshme, për shkak të natyrës së punëve dhe për hirë të interesit publik, me leje të posaçme, të cilën e lëshon Drejtoria e Planifikimit dhe Zhvillimit Ekonomik, mund të punojnë me orar të zgjatur deri në orën 23:00.

Neni 8

1. Orari i punës i bizneseve hoteliere si restaurantet, kafet, baret, shisha-baret ëmbëltoret-pastiqerit: do të jetë:
 - 1.1. Periudha verore, prej orës 07:00-24:00
 - 1.2. Periudha dimërore, prej orës 07:00 – 23:00.
2. Orari i punës në hotele, motele është i njëjtë në të dy sezonet dhe fillon prej orës: 00:00 - 24:00
Pas orës 24.00 nuk lejohet shërbimi për mysafirë jashtë objektit.
3. Orari i punës për internet –kafë, video lojra dhe të tjera të ngjashme:
 - 3.1 Periudha verore, prej orës 08:00-24:00
 - 3.2 Periudha dimërore, prej orës 08:00-23:00
4. Orari i punës për bizneset e ushqimit të shpejt (fast food), picerive, burektoreve dhe të tjera të ngjashme:

- 4.1 Periudha verore, prej orës 07:00-24:00
4.2 Periudha dimërore, prej orës 07,00-23:00

Neni 9

1.Orari i punës për gjelltoret;

1.1.Periudha verore prej orës 07:00-21:00

1.2.Periudha dimërore, prej orës 07:00-20:00.

1.3.Ditën e Diel dhe festave zyrtare nuk punojnë, përjashtim bëjnë rastet e dërgesave për ahengje apo raste mortore, por kusht është se objekti duhet të jetë i mbyllur për konsumatorët-klientët individual.

Neni 10

Stadiumet e improvizuara të futbollit dhe palestrat sportive, fitneset, punojnë prej ores 08:00-24.00.

Neni 11

1. Veprimtarive të parapara në nenet 8, 9 dhe 10 të kësaj Rregulloreje gjatë orarit të punës, nuk iu lejohe t'u prishin qetësinë qytetarëve që banojnë në afërsi të lokaleve ku ushtrohet veprimtaria.

2. Bizneset janë të obliguara të ushtrojnë veprimtarinë e tyre në pajtim me Ligjin për Rendin dhe Qetësinë Publike, si dhe Ligjin për Mbrojtje nga Zhurma.

Neni 12

1. Orari i punës për tregjet e qytetit dhe tregjet e lokaliteteve është:

1.1. Periudha verore, prej orës 06:00 – 19:00.

1.2. Periudha dimërore, prej orës 07:00 – 18:00.

2. Tregu i gjelbër nuk do të punojë gjatë ditës së fundjavës (të dielën) dhe ditëve të festave.

3. Tregu i kafshëve punon të shtunave.

Neni 13

Në objektet hoteliere, të cilat gjenden në afërsi deri në 100 m nga objektet e banimit, në të cilat organizohet program me muzikë të gjallë apo me audio - video mjete për reproduktimin e programit, programi nuk mund të vazhdojë pas orës 24:00.

Neni 14

Orari i punës në pikat e shitjes së karburanteve është i njëjtë në të dy sezonet, fillon prej orës 00:00 dhe zgjatë deri në orën 24:00 (pa ndërprerë).

Neni 15

1. Barnatoret :

1.1. Periudha verore prej orës 08:00 – 22:00;

1.2. Periudha dimërore prej orës 08:00 – 22:00

1.3. Barnatoret ndahen në tre zona, Zona I – barnatoret që gjinden në afërsi të spitalit të qytetit, Zona II – barnatoret që gjinden mbrenda qytetit si dhe Zona III – barnatoret të cilat operojnë nëpër fshatrat e komunës.

1.4. Orari i kujdestarisë të dielave dhe ditëve zyrtare është nga ora 08:00-22:00 (Kujdestarohet nga një barnatore për secilen Zonë I, II dhe III.)

1.5. Orari i kujdestarisë së natës prej orës 22:00-08:00 (Kujdestarohet nga një barnatore në zonën I si dhe zonën II.)

1.6. Orari i kujdestarive do të përgatitet nga Barnatoret së bashku, i cili do të sillet në Drejtorinë e Planifikimit dhe Zhvillimit Ekonomik, për miratim.

2. Ordinancat private mjekësore

2.1. Klinikat Specialistike prej orës 08:00 – 20:00;

2.2. Ordinancat Stomatologjike prej orës 10:00 – 20:00;

2.3. Laboratorët dhe Rentgenët prej orës 07:00 – 19:00;

2.4. Të dielën dhe gjatë festave zyrtare nuk do të punohet në asnjë prej bizneseve të pikave 1,2 dhe 3.

Neni 16

1. Furrat e bukës

1.1. Periudha verore prej orës 06:00 – 00:00;

1.2. Periudha dimërore prej orës 06:00 – 00:00;

1.3. Gjatë muajit të Ramazanit do të punohet deri në syfyr.

2. Mishtoret

2.1. Periudha verore prej orës 07:00 – 20:00;

2.2. Periudha dimërore prej orës 07:00 – 20:00;

2.3. Ditëve të Diela dhe festave zyrtare nuk punohet.

2.4. Përjashtim nga pika 2.3. e këtij neni bëjnë rastet kur kanë porosi sasiore për bizneset hoteliere me kusht që lokalitë duhet të jetë i mbyllur për konsumatorët tjerë.

Neni 17

1. Bizneset që ofrojnë shërbime të telefonisë, IT-së, mjekësore, arsimore dhe ato financiare punojnë :

1.1. Periudha verore: 07:00-22.00

1.2. Periudha dimërore: 07:00-21.00

2. Të dielave dhe festave zyrtare e kanë ditë pushimi.

Neni 18

1. Zgjatja e orarit të punës.

1.1. Bizneset që dëshirojnë të punojnë më shumë se orari i përcaktuar me këtë rregullore, mund të parashirojnë kërkesë në Drejtorinë e Planifikimit dhe Zhvillimit Ekonomik e cila pas shqyrtimit, mund të lëshoj leje të posaçme për zgjatje të orarit, por jo më shumë se deri në ora 03:00. Për çdo orë shtesë duhet të paguhet taksë prej 50,00 euro. Meqenëse kjo mundësi u jipet bizneseve që për çfarëdo llojë nevoje apo situatë të punojnë më gjatë, biznesi duhet të ofroj dëshmi bindëse për orarin shtesë dhe këtë mund ta shfrytëzojnë deri në 3(tre) herë gjatë vitit.

1.2. Bizneset hoteliere me rastin e festave zyrtare mund të zgjatnin orarin e punës për 1 (një) orë, dhe nuk do të paguajnë taks shtesë.

Neni 19

1. Bizneset prodhuese dhe ato përpunuese mund të punojnë sipas vëllimit dhe nevojave të tyre por duke respektuar standardet, sigurinë dhe qetësinë publike.

2. Bizneset që nuk janë të përfshira në dispozitat e kësaj Rregulloreje e propozojnë orarin e punës të cilin në formë të shkruar me pëlqim e aprovon Drejtoria e Planifikimit dhe Zhvillimit Ekonomik.

III. DISPOZITAT NDËSHKUESE

Neni 20

Bizneset do të gjobiten për kundërvajtje, në qoftë se veprojnë në kundërshtim me nenet 5, 6, 7, 8, 9, 10, 11, 12, 13, 14, 15, 16, 17, 18 dhe 19 të kësaj Rregulloreje, si më poshtë:

- | | |
|-----------------------------|-------------|
| 1.1. Personat juridik | 200 – 400 € |
| 1.2. Personat fizik | 100 – 200 € |

IV. DISPOZITAT KALIMTARE

Neni 21

Zbatimin e kësaj Rregulloreje e bënë Drejtoria e Inspektionit dhe Drejtoritë tjera përkatëse të Komunës në bashkëpunim me Policinë e Kosovës dhe Gjykatën Kompetente.

Neni 22

Të gjitha bizneset janë të obliguara që të harmonizojnë orarin e punës me dispozitat e kësaj Rregulloreje, në afatin tridhjetë (30) ditësh nga dita e hyrjes së kësaj Rregulloreje në fuqi.

Neni 23

Me hyrjes në fuqi të kësaj Rregulloreje, shfuqizohet dispozitat e mëparshme komunale të cilat kanë rregulluar këtë lëmi.

Neni 24

Rregullorja hyn në fuqi 15 ditë pas regjistrimit në zyrën e protokollit të Ministrisë së Administrimit të Pushtetit Lokal si dhe publikimit në ueb faqen zyrtare të Komunës, përkatësisht konform nenit 81 të ligjit për vetëqeverisje lokale nr.03/L-040, dhe nenit 9 parag. 8 të Rregullores (QRK) nr.10/2019 për shqyrtimin administrativ të akteve të komunave.

Nr.01-311/05-0007450/20
Podujevë,
31 janar 2020

